



Publicaziuns dalla vischnaunca, jamna 20

Damonda da baghegiar

Nr. 2010-1028

Datum da publicaziun: ils 21 da matg 2010

Ils patruns: Eugen e Judith Manetsch-Caduff, Via Clis 12, 7180 Disentis/Mustér

Il representant: Eugen Manetsch-Caduff, Via Clis 12, 7180 Disentis/Mustér

Object: Sanaziun dil baghetg cun midada d'intent, parcella 1410, Via Clavianev 21, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

Disentis/Mustér, ils 18-5-2010

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2010-2054

Roc Durschei, Via Curtins 4, 7186 Segnas; cuvrída dira entuorn il lidimer, parcella 208, Marias, 7186 Segnas.

Nr. 2010-2055

Roger Sac, Via Sontga Catrina 2, 7180 Disentis/Mustér; installar in collectur da sulegl, parcella 2635, Barschaus, 7186 Segnas.

Nr. 2010-2056

Serafin Steger, Pardomat 8, 7180 Disentis/Mustér, modificaziuns da terren, parcella 335, Prauet/Pardomat, 7180 Disentis/Mustér.

Nr. 2010-2057

Battista Levy-Beck, Via Sogn Antoni 12, 7182 Cavardiras; nova cuvrída cun crappa da salischada, parcella 2123, Via Sogn Antoni 12, 7182 Cavardiras.

Nr. 2010-2058

Patrizia e Patric Cabernard-Huonder, Via Peisel 2, 7186 Segnas; modificaziuns da terren, parcella 2659, Plaunca Sut, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 17-5-2010

Uffeci da baghegiar Disentis/Mustér



Dieta da reflecziun per la suprastonza communal

Dumengia e gliendisdis ha la suprastonza communal salvau ina dieta speciala per seprofundar els fatgs communal ed actualisar la strategia. Quella ha giu liug ella casa da sentupada dalla claustra dominicana a Glion.

La suprastonza sut il presidi da Dumeni Columberg ha nezegiau la caschun per s'entupar cun ils representants dil marcau da Glion e discussiunar cun els aspects comunabels.

El center dallas tractativas ein stadas las activitads per attempai sut il motto «vegliadetgna sco schanza». Ina cumissiun sut l'egida da geraua Cecilia Maissen-Desax ha elaborau in rapport. Quel sebase sils resultats d'ina retscherca da meinis, alla quala varga 390 personas da Mustér ein separticipadas. Sco ei semussa, exista il basegn per survetschs supplementars (survetsch da tschaveras ed agid a casa) e per habitaziuns per attempai, aschinavon che quellas stattan a disposiziun per in prezi favoreivel. La suprastonza communal ha supplicau la cumissiun da cuntinuar cun sia lavur e da concretisar sligiazions pusseivlas.

In auter punct impurtont ei il plan da finanzas 2011– 2015, presentaus dil canzlist Andri Hendry. Ils giavischs ein numerus, en special sil sector dalla infrastruttura (vias e canalisaziuns), mo era per autras migliurs. Las pusseivladads finzialas ein denton restrenschidas, aschia ch'ins sto metter prioritads e serestrenscher sin quei ch'ei propri necessari. Las finanzas communalas pretendan era el futur gronda precauziun.

Plinavon ei la suprastonza s'occupada cun las energias regenerablas. Quella tematica vegn ad occupar las autoritads communalas fetg ferm el proxim temps. Ei va en emprema linga per la renovaziun dall'Ovra Russein sco era per il niev project d'ina ovra electrica Val d'Acletta.

El rom da quella dieta ei la suprastonza communal s'entupada cun il president dil marcau da Glion, Martin Montalta e cun il scarvon Martin Gabriel. Quellas duas vischnauncas han biars fatgs comunabels e problems semegliants. Glion ei il center regional dalla Surselva, Mustér ei medemamein in center, denton d'ina dimensiun pli pintga.

Suprastonza communal

Sanaziun dalla casa communal Informaziun publica Gievgia, ils 27 da matg 2010 allas 20.15 en halla Cons

Ils 13 da zercladur 2010 ha la cuminonza dils votants da decider davart il credit per la sanaziun dalla casa communal.

Per saver informar vischins e vischinas detagliadamein sur da quella fatschenta, arranschan las autoritads communalas ina orientaziun publica. In e scadin ei cordialmein envidaus.

La casa communal ei vegnida erigida avon gleiti 50 onns. Ella duei era survir vinavon sco center dall'administraziun communal. Perquei drova ella ina sanaziun e renovaziun. La suprastonza communal ha la cumpetenzza da realisar la sanaziun exteriura per la summa da 480 000 francs (stada suttamessa al referendum facultativ).

Suenter ina nova examinaziun eis ei semussau ch'igl edifeci ha aunc autras munconzas. Denter auter ein las installaziuns electricas munglusas. Il scaldament sto vegnir remplazzaus en dus onns. Il mobilier ei per part ina collecziun d'acziuns.

Per remplazzar il scaldament havess il cussegl da vischnaunca la cumpetenzza da decider ed il mobilier savess vegnir incorporaus el preventiv annual.

La suprastonza communal, la cumissiun da gestiun ed il cussegl da vischnaunca ein denton sedecidi da far meisa schubra ed intergrar tut quellas lavurs en in sulet pachet. Cheutras s'augmenta il credit lubiu per 300 000 francs. Perquei vegn la sanaziun dalla casa suttamessa alla votaziun dil pievel.



Ei setracta d'ina investiziun per ils proxims 30 onns. En quei credit ein tut las expensas ligiadas cun la sanaziun e renovaziun dalla casa communal cuntenidas. La finanziaziun vegn levgiada entras las entradas buca prevedidas ord la vendita dall'energia da participaziun. Cheutras ston ins buca duvra daners da taglia per quella restauraziun.

El medem mument san vischins e vischinas decider, schebein els vulan mantener las sculpturas vid la fatschada dalla casa communal.

Recumandaziun

Il cussegl da vischnaunca – en concordanza cun la suprastanza communal e la cumissiun da gestiun – recumandan unanimamein a vischins e vischinas da conceder il credit total da 780 000 francs per la sanaziun e renovaziun dalla casa communal.

Suprastanza communal e cussegl da vischnaunca

Controlla da habitonts

Mortoris

Carli Carigiet-Halter, naschius ils 12-11-1920, morts ils 10-5-2010.

Josef Kreiliger-Meyer, naschius ils 9-10-1921, morts ils 16-5-2010.

Temps da vacanzas – temps d'examinar ils documents da viadi

Persunas che planiseschan da passentar lur vacanzas egl'exteriur ein supplicadas d'examinar a dretg temps lur documents da viadi (pass ni carta d'identitad).

Per l'emissiun da novs documents sto vegnir quintau cun rodund 15 dis da spetga. Fagei quella curta controlla, buca che Vossas vacanzas entscheivan cun dagrettas.

Administraziun communal Disentis/Mustér

Vischinadi Mompé Medel

Radunonza generala

Sonda, ils 22 da matg allas 20.15 el local dalla stalla dad Armin Manetsch a Mompé Medel.

Cordialmein envida
la suprastanza

Cuorsa dil Rein

Preziadas vischinas
Preziai vischins

Dumengia, ils 6 da zercladur 2010 ha liug la 3. cuorsa dil Rein. L'occurrenza sespleiga denter las 11.00 e las 15.30 uras. Duront quei temps eis ei da quintar cun impediments entras curridras e curriders sin suandontas vias dallas vischnauncas da Mustér e Tujetsch:

Via Acletta–Via Luzzas–Via Sut Baselgia
Via Glaretsch–Vitg da Segnas
Via Tguinter
Via Bugnei
Via Nirièl



Via Surrein/Cavorgia
Via Cavorgia-sut
Via Valzeinza
Via Raviul–Via Salez e Via Buretsch
Via Cuoz
Senda Cavorgia–Mumpé Medel
Via Mumpé Medel–Senda Cufllons/S. Gada
Via S. Catrina–Funs-dado–Via da Paders
Via Claustra
Via Sursilvana denter Mobilias Fry e Via Disla
Via Disla
Via Brulf
Via Cavardiras
Senda Brulf–Fontanivas
Senda Fontanivas–Cufllons

Bien engraziament per Vossa capientscha e Vies sustegn!

Ulteriuras informaziuns ed annunzias sut www.cuorsadilrein.ch

Cordials salids
igl ok «la Cuorsa dil Rein»

Corporaziun d'aua Spina da vin
Di dallas portas aviartas dalla nova ovra electrica a Sax.

Sonda, ils 5 da zercladur 2010 dallas 13.30–15.30.

Da Vossa viseta selegra
la suprastonza dalla Corporaziun d'aua Spina da vin, Disentis/Mustér

Corporaziun d'aua «Las Fontaunas»
Mumpé Medel: Invitaziun ad ina radunonza generala extraordinaria

Gievgia, ils 27 da matg 2010 allas 20.15 uras en casa da Leo Simonet.

La suprastonza

Interrupziun dil current electric en la vischnaunca da Mustér
(quartier Vitg, Carcarola e Raveras)

Preziada clientella

Per che Vus sappies era vinavon quintar cun in segir ed intact provediment da forza electrica stuein nus far lavurs d'extensiun e manteniment vid nos indrezs.

Ort motivs da segirtad vegnin nus perquei ad interromper temporar la furniziun d'energia, e quei num-nadamein:

gievgia, ils 27 da matg 2010 dallas 0.00 entochen las 3.00.

Nus supplichein Vus da perstgisar las malemperneivladads en engraziein per Vossa capientscha.

Amicabels salids
Repower Svizra



**Stromunterbruch in der Gemeinde Disentis
(Quartier Vitg, Carcarola und Raveras)**

Geschätzte Kunden

Als Ihre Netzbetreiberin ist uns eine zuverlässige, sichere und einwandfreie Stromzufuhr bis zu Ihrer Steckdose sehr wichtig. Darum sind von Zeit zu Zeit Erweiterungs- und Instandhaltungsarbeiten an unserem Verteilnetz unerlässlich.

Aus Sicherheitsgründen unterbrechen wir dann jeweils während der Arbeiten die Energielieferung. Der nächste Stromunterbruch erfolgt in Ihrer Gemeinde am:

Donnerstag, 27. Mai 2010, von 0.00 bis 3.00 Uhr.

Wir bitten Sie, die Unannehmlichkeiten zu entschuldigen und danken Ihnen für Ihr Verständnis.

Freundliche Grüsse
Repower Schweiz

Cussegl pastoral / Cerchel social-caritativ

Nus envidein nossas senioras e nos seniors ad ina devoziun en la caplutta s. Glieci a Disla e silsuent-ter ad in sitg en l'ustria Fravia **gievgia, ils 27 da matg allas 14.00.**

Tgi che giavischa transport sa s'annunziar tier Laurenzia Schnoz, 081 947 58 27 / 076 445 84 58 ni tier M. Louise Deflorin, 081 947 53 73 / 079 479 79 18.

Preavis: Nies viadi ha liug ils **24 da zercladur.**

Nus fagein ina viseta alla catedrala renovada a Cuera e silsuent-ter gudin il gentar ed enzacontas uras el Principat da Liechtenstein. Detagls pli tard.

**Tür auf – mo vinavon: Arena
Film- und Gesprächsabend.**

Siehe unter Cadi.

Casa da tgira Sursassiala: Apparats d'udida

Gliendisdis, ils 31 da matg 2010 dallas 14.00–16.00, **Stiva da schiember**

Vus saveis schar schubergiar e regular Vies apparat d'udida en Casa da tgira Sursassiala. Arthur Jacomet fa quei survetsch per tuts interessents gratuitamein.

**Societad da tir Desertina
Tir obligatori 2010**

Gliendisdis Tschuncheismas, ils 24 da matg 2010 dallas 17.00–20.00
Dumengia, ils 22 d'uost 2010 dallas 17.30–19.00

Il tir Obligatoric ha liug a Sedrun, la Resgia. Mintga gievgia naven dallas 18.30 ei tir liber dalla societad da tir Desertina entochen il davos da zercladur, ils 24-6-2010.

La suprastonza



Chor d'affons vischnaunca Sumvitg: Annunzia

Mira sut Sumvitg.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér

Exposiziun

Sin il temps dil campinadi mundial ell'Afrika dil sid a Kapstadt havein nus exponiu per emprést cu-dischs da materia e belletristica che tractan il tema ballapei.

Adatg!

Supplementarmein dein nus la caschun a tuttas e tuts amatars dils maletgs da Panini da bratar ils maletgs tschercai.

Las gievguas, ils 27 da matg, ed ils 10 e 17 da zercladur mintgamai denter las 16.00 e las 17.30.

Nus selegrein da mintga viseta.
La squadra da biblioteca
